

保安州續志卷首

志原二

續輯姓氏目錄

願部	祠祀	田賦	戶口	兵防	卷二	職官	仕宦	薦辟
群異	學校	學	賑	倉	公署	選舉	武備	鄉
城	書院	推	稅	義	義	武科	忠義	

保安州續志

敦行

文學

列女

青鬚

孝婦

節婦

青鬚

孝婦

藝文

碑記

序古

說律

詩

五絕

保安州續志

光緒丁丑秋鐫

保安州續志

板藏州署

叙

嘗考史之名昉於周禮史書之作
創自馬遷降及後世易而為志
於是制作日益備紀載日益詳凡
山川形勢之文遷戶口田賦之增減
以及土俗物產纖悉備載蓋紹前
徽詔未敢俾守土者資為龜鑑知
所以締造經營以仰承

聖天子軫念元元之意典玉鉅也保躬舊
志燬於兵燹斷簡殘編缺焉弗備

聖祖仁皇帝御極之初

始修一統志特採四方郡縣志彙集成書
而州志以修時蓋康熙八年己酉歲
也至康熙辛卯一修道光己未又一修

距今四十年時異勢殊廢熙迭見
不及今續輯恐不無散軼湮沒之虞
況密邇

歲輔函儒

聖化浹髓倫肌民風丕變歌詩習禮人文
蔚起尤不可不珥筆宣揚以見我
國家重洽果熙之盛治也會奉

二

節相檄令各府州縣續修志中前權
知州事尋君因回廣文劉君集郡
之名宿碩儒採訪校閱期年涉漏錯訛
以垂久遠詎事未觀成旋以赴官鉅
嘉却州篆余膺

簡命來牧茲土下車伊始見其士習詩書
畧務耕耘民俗敦樸可以不勞而自治

數月以來彙陳不繁遠邇相安心竊
喜之第前人有盛舉而弗克終焉伊
誰之咎爰於公退之暇復謀諸廣文
郡紳仿照舊稿依次編錄竊見天
地人物網舉自張禮舉兵農條分條
析四十年來所已沿革舉廢无不燦
若列眉與前志既先輝映乃為叙

其顛末付諸剗剗尋君未竟之盛
舉得以用觀厥成庶公之披其編
者覽山川則思為民國保障稽田賦
則思為民荷徭役察土俗物產則思
為民興教化儲積貽是心志之作豈
徒恃訪廣引矜一方之乘云爾哉亦
欲使為長吏者考文徵獻涵育薰

陶下以培蒼黎與利之澤而上以廣
皇上教誨之託雖僻處邊陲莫之有遺
焉耳是為序

光緒叁年歲次丁丑孟秋

運同銜知保安州事高州張毓生撰并書



續修保安州志序

郡邑有志猶國之有史也史必準
諸古而後一代之損益精志必
溯其沿革而後一方之風氣正星
野有圖必方隅也山川有紀著刑
勝也城社有書慎封守也倉庫有
識重儲蓄也編戶口則志其蕃昌

均賦役則志其增減稽物產則志
其樂利考風俗則志其時宜謹
嚴奉之春秋書法宗饒遷國典至
隆也事慕重哉是詠擅才學識
之長不能統天地人為一貫鑿晉
一行作吏文事久荒百里備官塵
容可掬初何敵逞空疏之學附著

昨之林手光緒二年權按斯土會
大府設局會城續修畿輔通志檄
諸郡邑各上其所修新志以備採擇
於是謗陋者不敢以不文辭夫夫州
之以保安名也十年生聚十年教訓
思何以保我子孫黎民和親一書康
樂一書思何以安我父老子弟今

且顧名思義遠紹旁搜考獻徵
文彙書曠寫以奉訂寄以學博士
以稽覈訖以鄉先生條理以網在
綱模範以全就治體例則仍因舊
志見聞則彙輯新編解字程尾綴
龜蛇附驥而成書較易無異脛
長借鶴續鳧之貽請難辭乃稟

製未嘗厥成而萍梗逝將去如
顧從塞晉而素如陽城以接字
師民知且父之以既日興利如種樹
之龍其處乃積化行如興學之吳公
林鴉音變民之質而樸去服先疇
士之考而文者食以舊德未韜在郊
弦鼓在戶熙、手解、手震萬為松

而祀宗之徽也已爰畱茲語以流其緣
起而是書之成不得不用錄以之為不曾在
光緒二年丙子嘉平望白

賜進士出身前翰林院庶吉士權知保安州
李准補鉅鹿縣知縣山左尋塞晉
謹序

保安州續志

續輯姓氏

總纂

初議大夫知保安州事大梁 張毓生

倡修

奉政大夫權知保安州事前翰林院庶吉士尋樂晉

參閱

保安州學正 劉復隆

參輯

前保安州吏目 薛志斌

保安州續志

姓氏

分抄

署保安州吏目 沈召亭

分修

戶部浙江司行走候補郎中 楊星階

舉

人劉 緯

舉

人康國華

國史館臚錄 歲貢 趙海

歲

貢董廷瑞

採訪

大名府長垣縣訓導 趙情睦

歲

貢王國熙

廩

貢呂諧

廩

生張泉

廩

生全裕容

生

生胡淦

生

貢張濟源

校對

貢孫密禧

校對

貢文運超

恩

貢王國程

保安州續志

姓氏

歲

貢李宗勳

生

貢白曙霞

監刻

貢司雲龍

生

貢朱元纓

保安州續志卷首

目錄

志序

續修姓氏

目錄

卷一

恩詔

祥異

城池

祠祀

學校

書院

義學附

田賦

賑卹

雜稅

戶口

倉廩

義倉附

義塚

兵防

公署

卷二

保安州續志

目錄

職官

選舉

武科

仕宦

武仕宦

恩廕

薦辟

鄉賢

忠義

敦行

文學

卷三

列女

壽婦

孝婦

節婦

耆碩

醫術

卷四

藝文

碑記

序

說

詩

五古

七律


五絕

七絕

保安州續志

目錄

二



保安州續志卷一

恩詔

道光十五年九月奉

恩詔蠲免嘉慶二十三年至道光十年舊欠錢糧

十六年八月

恩詔豁免道光十年以前舊欠旗租

二十五年九月奉

旨豁免道光十一年至二十年舊欠錢糧

二十五年十月

恩詔免道光二十年以前積欠旗租銀穀

保安州續志

卷一

恩詔

咸豐元年正月

恩詔自道光二十一年至二十九年舊欠錢糧盡行蠲免

元年二月奉

詔免道光三十年以前舊欠錢糧

同治元年四月

恩詔自道光三十年至咸豐九年舊欠錢糧俱免徵

元四兩年兩次奉

旨豁免咸豐八年以前舊欠旗租

十二年正月

恩詔蠲免咸豐十年至同治八年舊欠錢糧



十二年二月

恩旨免同治六年以前舊欠旗租

光緒元年五月奉

詔自同治七年至同治十年舊欠錢糧概行豁免

元年七月

上諭蠲免同治十年以前舊欠旗租

二年閏五月

恩詔豁免同治十三年以前舊欠錢糧旗租

祥異

道光十九年州屬樂家莊等四十五村莊秋禾被旱

保安州續志

卷一

恩詔 城池

二

知州姚淦詳請緩徵銀糧

道光二十二年十二月初二日申時地震

咸豐十一年八月初一日日月合璧五星聯珠

同治十年七月二十八日大雨連綿民間田禾房屋

多被傷壞至八月初四日方止

十二年七月初四日大雨雹

城池

州城

乾隆四十一年知州陶淑請帑重修至道光十五年

知州楊桂森籌捐補修同治二年知州李恩黼倡

捐重修計修城南迤西磚牆長三十五丈高二丈五尺城東甕城東面磚牆長十一丈五尺高二丈五尺城上北東南三面女牆共長二百八十二丈城外面各處補築磚牆共長三百一十二丈城內補築土牆共長七百三十一丈城東上面坑陷聚水一律補築城樓四座甕城門樓三座一併修葺自同治二年四月初一日開工至三年六月初四日工竣造具各清冊申詳請獎登蒙 府憲 督憲委員查勘俱屬工堅料實咨部題請獎叙有差

城壕

保安州續志

卷一

城池

三

知州韓印於同治九年率同教佐勸捐紳民將城內外濠溝一體挑挖並將城關街道一律修墊工竣請獎凡出力人員頂翎功牌賞給有差

桑乾河築石垣

州城南桑乾河係永定河上游夏秋大雨時行河水漫溢乾隆年間於城西二堡村南築石作垣以防水患咸豐六年知州張爲柄勸捐修築同治十一年知州王以和又捐修焉

桑乾義渡

桑乾河於春季冰開時波浪湍急舟渡維艱貧苦無

資者輒為所阻同治十一年知州韓印捐廉宣錢
陸百吊發管行按月一分五釐生息歲終呈交每
年以利資贖船戶不准濫索嗣為中飽所格弊如
前光緒三年知州張毓生別釐宿弊續添成本四
百吊一同起息並購船隻以蘇其事

祠祀

關帝廟 在大倉門口敬謹懸
御筆萬世人極

文昌祠 在鼓樓東街道光二十
三年知州姚淦重修

龍神廟 在北關同治三年
知州李恩備重修

河神廟 在大南關同治十一
年知州王以和重修

保安州續志

卷一

城池 祠祀 學校 四

城隍廟 在城西南隅道光二十一年知州姚淦
重修光緒三年知州張毓生重修

厲壇 在城外西北同治三
年知州李恩備重修

劉猛將軍廟 在東甕城道光二十六
年知州馮汝鈞創建

寺觀

彰儀寺 卽萬壽宮在城內同治
八年知州李作棠重修

馬神廟 在城內光緒元年
知州韓印重修

學校

文廟

東廡 同治五年知州
李作棠重修

尊經閣 咸豐元年學正
萬鎮之重修

書院

新州書院 坐落房間詳載前志 租石利銀開列如左

據前志坐落懷屬七堡水旱地每年共收高糧租五

十二大石三斗七升至光緒元年地畝變遷佃戶

改易每年收租四十三大石二升交懷來縣中所

七百戶正丁銀十兩九錢三分九釐八毫糧二斗

四升册名鄭殿師契存禮房

又坐落苑莊地三畝三分三釐共征高糧租一大石

梅科承種咸豐六年因案捐入書院地八畝共征高

糧租二大斗六升 又承種切毛窩捐入書院灘

地一段每年收高糧租七小石

吳成業承種咸豐六年因案捐入書院灘地一項五

十畝每年收高糧租四六石

孫家寨泰山廟承種楊斌捐入書院地二畝二分七

釐每年應征高糧一大斗

坐落杜家莊水地二十六畝係同治五年契買郝照

私產每年收高糧租十六大石交保安州什司銀

四錢八分四釐星散銀八錢七分六釐糧七斗一

保安州續志

卷一

書院 義學

合册名新州書院契串存董事

又水地六畝五分坐落杜家莊係同治十一年契買

郝政明私產每年收高糧租四大石五斗交保安

州什司已徵銀三錢八分三釐册名新州書院

又水地四畝坐落杜家莊係同治四年司廷俊捐入

常行生息房本銀三百兩係自同治二丁後節年捐

辦發給常行按月一分五釐起息二季呈交呈領

案卷俱存禮房

又錢行生息成本銀五百五十兩係同治五年捐辦

原發總行後因同治十一年總行呈交改發錢行

按月一分二釐起息二季呈交呈領案卷俱存禮

房

以上各款均已申詳 府憲

知州韓印捐廉入書院生息成本紋銀一百兩係光

緒二年四月發給常行按月一分五釐起息二季

呈交呈領案卷俱存禮房

又光緒四年 金州教張毓生詳明府

憲歸入書院發商生息以補經費之不足

義學

城內義學 在保極書院知 南關義學 在二

東關義學 在九 北關義學 在龍

沙城保義學 在西堡街南 有官房一所

濠租銀六十五兩九錢 租銀三十三兩九錢二分

學租三十六大石零八升

以上俱詳前志 同治四年歲永福承種入官義學出水地四畝一分

旱地一畝一分每年共征高梁租三六斗 生息成本銀三百兩發本數布行月一分五釐起息

書院義學經費

新州書院向以經費不足開四十餘年未延山長至 光緒四年州牧張毓生以前積欠稍充又設法 籌款彌補始聘主講茂致東備一百五十金每歲 二月開課十一月止課每月官課一次齊課二次 創立規條著為定例

義學五處城內及南關兩處每年各領借金三十兩

休安州續志

卷一

書院

以濠相抵款東北關及沙城堡三處向以租糧租 銀儘發各領借金二十兩同治五年州牧李作棠 奉 府憲飭會同教佐邀集紳董共捐銀三百兩 發行起息自是東北關兩學亦各領歲脩三十兩 並添給四學薪水宜銀名二十兩至沙城堡義學 仍照舊章每年領借金二十兩其案卷俱存禮房

田賦

道光十四年田土畝數銀米旗租各數十五年脩志 業已載明

原額解支銀一千八百十二兩九錢六分二釐內舖

司上食銀二十四兩於咸豐八年奉文裁減六成

銀十四兩四錢以九兩六錢支銷光緒二年奉文

於每年二月初三日 文昌加祭一次習習銀十

三兩三錢三分三釐自光緒元年亦從地糧支銷
實支銀一千八百一十一兩八錢九分六釐

儲備軍餉項下係於道光二十五年奉文清查出民
人那喜等呈報墾熟民荒地十三頃十畝六分每
畝征租銀不等共征租銀三十六兩八錢三分七
釐每年征解司庫

籌備庫項下原額地租銀九百六十二兩五錢八分
一二釐於咸豐五年署知州賈登釐詳報清查出餘
地六十二畝二分議增租銀二十六兩六錢九分
五釐又同治十年知州韓印詳報清查出民人張
文柱墾成前項官地二十一畝五釐議征租銀六
兩連原額現在共征租銀一千六兩二錢七分七
釐每年征解

保安州續志

卷一

田賦 賑卹 戶口 七

東陵

賑卹

道光十二年歲大旱署知州彭世昌請賑題准民

實惠

前志未詳
今補入

稅課

詳載
前志

燒紙帖七十張課銀八十四兩

當帖一張課銀十兩

戶口

同治十年編審本城四關共戶二千九百九十八戶

男婦大小共一萬四千六十三丁口

東鄉二十五村共戶二千七百二十四戶男婦大小

共一萬五千三百九十一丁口

南鄉共一百十三村共戶三千八百七十四戶男婦

大小共一萬八千九百八十七丁口

西鄉共三十六村共戶一千二百零九戶男婦大小

共六千一百八十四丁口

北鄉共六村共戶六百四十一戶男婦大小共三千

保安州續志

卷一

戶口 倉廩

八

四百七十二丁口

以上本城四關併一百八十村共戶一萬一千四

百四十六戶男婦大小共五萬八千九十七丁口

倉廩

永豐倉房間載前志歷次補修完固

義倉

曹官堡一處

房三間存穀三百九十石五斗七升一勺

黃土坡一處

房三間存穀六百二十石

倒喇嘴一處

房三間存穀五百五十二石一斗

石門村一處

房三間存穀七十五石八斗

東八里一處房三間存穀六百四十六石六斗

以上義倉五處所有穀石均無霉變虧短按年造入奏銷冊報倉厥完固

本城義倉一處房三間存儲以豐元年奉文勸捐鄉穀一千八百三十一石尚未完奏

義塚詳載前志

城西義塚業無隙地同治十二年州牧韓印捐廉俸

銅宣錢三百二十弔價買延壽寺僧人佛珍水地

三畝四分九釐諭令僧於別處置買香火將此地

立石為界施捨貧民作為義塚延壽寺內立有碑

記可考

保安州續志卷一 倉廩 義塚 兵防九

兵防

本城汛兵丁二十四名每名日支米一升逢大建一

月應領米七石二斗小建一月應領米六石九斗

六升

本城汛步兵二名每名日支米一升逢大建一月應

領米六斗小建一月應領米五斗八升

團防

咸豐二年十一月粵匪攻陷漢陽府城蒙各憲札

飭禁奉

上諭巡匪滋竄入直境令各州縣各就地方情形辦理團

總知州何輝綬率同教佐營汛紳耆於四關各設團局一所並於城內文昌宮設立總局先由各舖戶於僱工內擇其強壯一二人作為團勇各紳董勸捐經費製造旗幟集士民之年少者共一千五百人自備資斧分作五團知州自行指揮訓練勇五十名均先後申詳在案嗣於咸豐四年逆氛遠颺官練民團亦各遣散

公署

州署

圖載前志

道光二十一年知州姚銓重修同治二年知州李恩

保安州續志

卷一

兵防

公署

十

廳重修

學正署

圖載前志

道光十八年學正董元新重修同治十二年學正劉

復隆重修

吏目署

圖載前志

道光二十四年吏目林傳敬重修咸豐十一年吏目

張紹凱重修同治六年吏目羅璣重修八年吏目

薛志斌重修十一年吏目薛志斌回任重修

保安州續志卷二

職官

知州

鄧昌齡 四川石泉人癸酉科拔貢道光十六年代理

楊桂森 雲南石屏州進士道光十六年回任

包騏 江蘇上元人道光十七年署

延禧 正紅旗滿洲德東佐領下監生道光十七年任

張煦 四川成都縣進士十八年署

葉榮春 浙江慈谿人十七年代理

陳和鑾 貴州普安人道光十八年代理

保安州續志 卷二

職官

姚淦 江蘇昭文人道光十八年任

馮汝鈞 山西代州人道光二十五年任

恒凌 正紅旗滿洲塔思哈佐領下舉人二十六年署

莫蒼榮 廣東陽春人道光乙未科進士二十七年署

楊雲龍 浙江錢塘舉人二十九年署

何輝綬 山西靈石進士道光三十年任

賈登龍 山西平定州人咸豐四年署

張為柄 山東樂陵舉人咸豐六年署

葉壽昌 福建侯官縣人咸豐六年代理

朱華發 福建邵武縣舉人咸豐七年署

李恩黼 山西孟縣附貢 咸豐七年任

張濟康 浙江烏程人 七年署

汪家勳 江蘇上元縣舉人 咸豐十年代理

姜由軾 江蘇六合人 議叙十年署

靈 沛 正藍旗滿洲文壽佐領 下監生同治三年署

李作棠 江蘇上元人 議叙同治四年任

王桐吉 山東長山人 同治八年署

韓 印 江蘇江浦縣人 副榜同治九年任

王文訓 甘肅皋蘭縣舉人 同治十一年署

王以和 山東聊城附貢 十一年代理

保安州續志 卷二 職官 一一

劉樹勳 山西陽曲人 十二年代理

文 鏞 鑲紅旗滿洲壽聯佐領下 人筆帖式同治十三年署

韓 印 光緒元年回任

劉樹勳 光緒元年代理

尋鑾晉 字錫侯 山西榮河縣人 同治

張毓生 字秀夫 河南祥符縣監生 由通判軍功持陞知州 光緒二年任

學正

王銘翹 深州優貢 道光十六年署 董元新 開州舉人 十七年任

趙東階 易州舉人 二十四年署 萬鎮之 景州舉人 二十五年任

劉 寬 天津舉人 咸豐元年兼理 喬景嵐 開州舉人 元年兼理

蘇啟綬 交河貢生咸豐元年署 王萬善 邯鄲舉人二年任

曹貢齡 武清舉人五年署 劉復隆 字古齋內務府正黃旗漢軍道光甲子舉人

五年任 慶安 河治八年兼理

劉復隆 同治八年回任

吏目

林傳敬 福建侯官監生 馮恩慶 浙江平湖人二十年任

覃長釗 湖北東湖人 陳景先 浙江山陰人監生二十一年兼理

徐愉 江蘇沐陽人 鄭紹覃 山東章邱人二十四年代理

陳福慶 貴州貴筑副榜 楊暄 四川崇慶州人咸豐三年署

余勗祿 山陰人議叙咸豐四年署 張鳳翥 安徽桐城人八年代理

保安州續志 卷二 職官 三

劉向晨 江西南豐人 張紹凱 浙江嘉興人監生十年任

蕭世霖 湖北咸甯人 李安瀾 陝西澄城人同治元年代理

劉正中 山西陽曲人監生元年代理 白錫恩 山西夏縣人元年署

許泰 江蘇武進人 洪現 安徽祁門縣人監生同治五年署

羅璣 河南祥符監生五年任 邵茂林 浙江山陰人七年代理

汪紀書 山東歷城人 薛志斌 浙江山陰人監生七年任

郭堯墀 山西介休人光緒三年代理 沈召亭 浙江山陰縣人吏員光緒三年署

把總

楊定安 宣化縣人道光二十一年署 郝珽 宣化縣人行伍二十三年署

王清 宣化縣人行伍二十五年署 謝天富 萬全縣人行伍二十五年回任

趙玉輔 宣化人行伍 咸豐元年任 閃起鳳 保安州人 武生 咸豐三年署

程士俊 宣化縣人 六年署 張振鏞 宣化人行伍 七年署

張振鐸 宣化人行伍 八年署 丁桂 宣化人 九年署

李存厚 保安州人 九年署 王瑞 懷來縣人 六年署 功咸豐十一年署

王映魁 宣化人行伍 十一年署 李陸 天津縣人 行伍 同治元年署

胡元善 宣化人行伍 二年署 馬成明 宣化縣人 六年任 軍功九年任

卜雲 赤城縣人 行伍 同治十三年署

選舉

進士

道光庚子科

保安州續志 卷二 職官 選舉 四

楊福五

舉人

道光己亥科

楊福五

道光甲辰科

孫桂枝

咸豐乙卯科

朱元黼

咸豐辛酉科

楊星階 字景輝 介堂之長子

同治庚午科

劉緯

光緒乙亥科

李敬修 原名承霖

康國華

副榜

咸豐壬子科

楊星階

拔貢

道光丁酉科

保安州續志

卷二

選舉

五

楊福五

道光己酉科

楊星階

咸豐辛酉科

趙惇睦

同治癸酉科

李承霖

優貢

同治庚午科

劉緯

同治癸酉科

康國華

恩貢

道光二十六年

賀國泰

道光三十年

王正養

咸豐元年

趙廷鑑

咸豐四年

保安州續志

卷二

選舉

六

王正業

咸豐十一年

文運超

同治四年

王國程

同治十二年

陳廣淵

光緒元年

邵思智

歲貢

趙士傑

董汝興

杜如樟

楊真瑞

崔煦和

陳際昌

李良泰

王正與

宗自彰

趙廷鈺

劉大鏞

王布暉

呂調

文濬

李郁林

張烈

劉文玉

董宗

劉炤

董廷璧

保安州續志

卷二

選舉

仕宦

楊起鳳

王廷璋

李郁文

趙海

郭樹基

董廷瑞

閃起鵬

李宗勳

王履中

王國熙

杜森桂

武舉

同治丁卯科

煉增

仕宦

楊福五 道光庚子科進士 歷任山東莘縣 福建羅

平等府 欽加道 賞戴花翎

文通熙 道光壬辰科舉人 由大挑 歷任山西絳州 陝西米脂 褒城 城固 等縣 以直隸州

用 賞 戴花翎

楊星階 道光己酉科選拔 咸豐辛酉科舉人 戶部候補郎中 浙江司主稿

朱元黼 咸豐乙卯科舉人 現任天津鹽山縣教諭 欽加六品職銜

趙海 道光甲辰科挑取 國史館庶錄

趙惇睦 咸豐辛酉科選拔 現任大名府長垣縣訓導

趙廷鑄 現任欽天監算學科 蘊體堂教習

文瀚 山西卽補未入 因案請獎 旨着以縣丞陞用

保安州續志 卷二 仕宦 武宦 恩廕 薦辟 鄉賢

武元 內閣供事 同治元年分方略館當差

楊懷琦 乾隆庚辰科舉人 原任豐潤縣教諭

武仕宦

夏九章 特授蘆台守備 都司銜 委署建昌 咸豐四年揚州勦匪 由軍功 以都司 卽補積勞卒

夏觀法 古北口守備 九章次子也 欽加都司銜 賞戴花翎 卽補守備 帶辦後營軍務

恩廕

楊奎階 恩廕 州判 福五之次子

薦辟

劉文玉 歲貢生 光緒元年 廉方正 六品頂帶

鄉賢

楊福五字介堂 欽加道銜父源 欽加道銜父源 欽加道銜父源

稱最公昆玉五人敬愛無不至伯仲之間怡怡

如也家初貧設館授徒不專以帖括為務六經

性理及古今名臣言行錄書夜研窮誦習如不

及道光己亥由選拔登賢書庚子成進士任山

東莘縣令旋接丁內外艱公讀禮家居服食會

不與寒素嘗謂相知曰文章經書吾輩不能與

古人爭一二但功崇惟志業廣惟勤亦當以刻

勵庶幾之服闋後赴原掣福建省歷任署源長

泰詔安等縣事薦陞知府歷任漳州延平府事

以巡撫海寇計擒竄匪 賞戴花翎公有守

有為不負所學任無論府縣類能以簡廉強毅

之心為 朝廷靖邊方安黎庶年六十一積勞

成病卒於任所事聞 賜卹 恩廣一子詔

安士民念公德不忘台辭額懇 恩准入祀

名宦祠同治十一年州紳耆公列公孝友十數

事請祀鄉賢於光緒元年六月奉 旨八祠

忠義

保安州續志 卷二 鄉賢 忠義 敦行 九

文運熙 字春塘州同職銜西環琳公之子也少穎

異負雋名登道光壬辰賢書甲辰大挑一

等以知縣用籤掣陝西親老告近改掣山西初

任絳州河氏俱有政聲丁艱服闋後仍歸陝西

候補恩任米脂褒城等縣 大憲咸以諸練相

器重於咸豐十一年題補城固縣事同治元年

逆匪竄入漢南攻圍城固公督率丁勇勦除鄧

逆股匪於上元觀蒙 上憲保奏奉 旨着

以直隸州知州補用併 賞戴花翎二年五

月隨大隊克復斗寶二山厥功甚鉅嗣因城固

圍急日夜焦思積勞成疾遂患吐血之症雖蒙

賞假調理 醫病防勤旋致身故公歿後城固

失守妻李氏居喪遇害長媳范氏投井隕命女

喜姪亦服毒死公三子長相早逝次瀨承訛別

門三懶在山西卽補未入因案保舉以縣丞陞

用及開城固之難亦一慟身隕誠可謂一門忠

敦行

節 云

內恒 姓仁厚寒素起家事繼母王氏以孝聞

乾隆戊午科第三名武舉善教子長燿能

三燿能俱成武進士次子燿龍四燿能俱中武

舉孫燿天亦中武舉今後嗣蕃衍人皆以善

門目之乾隆五十二年州境亢旱飢民饑集

市經其解相安如故鄉里感之卒年八十八

閃煥龍 慶六年州境水災被難流民萃集公署煥

出勸乞已家給食數

呂漢章 字繡文民人其人忠誠之友入奉寡母出

遊拾沙城萬和美銀塔一伴其歸國自謂出門

尋覓果有年幼商人留貿貿然求詢其故遂完璧

歸趙至今人多義之章年逾九十

以壽終廉貢呂諸是其曾孫焉

王正養 字粹然恩貢自少知名誠懇孝親生事慕

掃親理之性明銳不詭隨惟遇有裨政教言

乃趨踰恐後同治元年州牧李倡捐修城聘為

督理義不敢辭而年逾六十過勤則喘計工堅

節糜費怨勞胥任歷年餘弗衰先是新州書院

城關義學州牧李素亭公以膏火之猶廉也酌

捐經費正賢之遂以身先凡預其事者正復備

保安州續志

卷二

文正公即以維名教伸正氣相囑其為所器重
如是卒年
七十八

閻敏 民人性孝友喜談忠義幼失怙事母孝後

索食節友察其囊有細糲數塊問何不食曰歸

以遺母其孝行多類此其長兄超係州庠生遊

學病故不知其寔也教通歷充冀相尋不憚勞苦

竟以遺盜為成願疾而事母則孝行維謹蓋其

性然也厥後家益窘母亦失明凡扶持擲搯及
械臨泣之泣雖有妻嫂敏必親身服侍母歿
後事備嫂尤委曲盡道邑人矜其孝友為其嫂
唐氏請旌嫂歿三年敏亦終至今士大夫咸
仰慕之

文灝字曉帆捐職州同舉人運熙其本生父也

父宦陝西因兵亂卒任所灝聞訃奔走告貸急赴陝為扶柩計奈路梗不得歸越數年始就道鄉之人有王氏者客山西死灝聞之迂道

至其處併其骸骨與歸焉所費貲財分文不較

趙大本字致中其父儀式鄉里中之忠直人也本承順凡百言動務得其喜色胞弟二均以教養

成立一隸國學一八武庠家初貧作商賈後因疾學書吏過鄉曲有請訟者必苦言勸止之越

二年遂辭去嘗謂相知曰吾輩學好人作好事大半以勤苦得之寡安欲壽豈虛語哉性磊落

於孤恤寡排難解紛皆視為分內事子姪輩均令讀書於惜字一節尤加意若見有以字紙夾

物者必自訂素紙本敬易之沿途撿拾污穢不避月夜晚出或轉為瓦石所誤蓋雖細行其立

誠亦如此卒年六十歲有二子長惇睦辛酉選拔考授入旗漢教習現任大名

府長垣縣訓導次惇惠廩貢生

保安州續志 卷二 敦行 十一

杜如樟字巨華歲貢生樂善好施輕財重義道光十一年施棺木一百口凡鄉曲之貧無葬

其者不問姓名慨然與之材美工完始終一致

李成名字聲有邑武庠生父早卒事母以孝謹聞性狷介訓子最嚴與人交尤樂成美居鄉

排難解紛人多義之長子宗勸少有文名登同治癸酉科鄉貢三子宗賢遊武庠四子宗昉早

年八伴五子宗廣遊武庠皆其訓迪所致

名碩

錕字其敏西鄉民人少貧以孝友聞族中無錕資者時有周濟五世同堂子孫鼎盛卒年

八歲

張神亮字明齋赤脚寺人歲貢生張烈之父也勤儉持身尤喜子弟讀書合族列膠匠者多

蒙教訓至今瓜瓞綿綿世守耕

董汝霖 字潤普 庠生 植品端方 樂成善舉 城中凡
力助理不避嫌怨 其公
勤類如此 卒年七十八

王興印 其人耕讀傳家 四世
一堂 壽八十六歲

馬元英 衣食儉素 行車渡城 捐
職九品 壽九十四歲

王廷元 本城人 務農孝友 諸事能竭 力殫 忱至年
老不倦 教子弟 亦以此 光緒元年 卒 覃
恩 賞給九品頂戴

王鳳瑞 民人 秉性溫和 不與
爭壽 八十有五

李良觀 字華圃 捐職千總 謝貢 良 泰 長 兄 也 性 孝
友 弟 良 升 歿 無 幼 姪 如 已 子 族 人 有 鬻 兒
者 卽 刻 贖 回 教 之 讀 書 長 給 田 產 皆 本 令 其 耕
種 爲 之 娶 妻 生 二 子 今 已 成 立 鄉 里 以 其 延 嗣
收 族 也 皆 重 之 邑 中 遇 有 修 建 觀
不 憚 勤 勞 欣 成 善 舉 享 壽 七 十

王輝廷 自奉儉約 待物寬和 恩賜
八品頂戴 享壽八十有七

王廷相 恩賜九品頂
戴 壽九十三

張奇懷 沙城人 正直不阿 和平接物 居
常以忠
孝之言 教諭 鄉黨 光緒元年 八十九 壽終

薛元興 九品頂戴 爲人敦厚 撲實 鄉
閭 義式之 卒年八十二歲

保安州續志 卷二

耆碩

十一

溫崇德 沙城人 居鄉謙和 躬行 忠厚 人皆
尊重之 光緒元年 八十三 壽終

李 祿 東八甲人 咸豐六年 州牧 張爲 懸 國 鼎 家
祥 匾額 表其 四 周 五 世 同 堂 壽 躋 耄 耋

王錫齡 沙城人 增廣 生 教 學 成 名 每 歲
壽 以 米 濟 貧 二 百 七 十 五 歲 卒

薛元敬 八品頂戴 咸豐七年 因 辦 墾 工 出 力 州 牧
朱 姓 以 勤 勞 懇 身 匾 額 現 年 八 十 三 歲

宗萬得 沙城人 與人有禮 教子 以 義 鄉 人 稱 爲 耆
德 現 年 七 十 七 歲 恩 賜 九 品 頂 戴

張映祥 沙城人 勤儉持家 不苟言笑 四子 守
分 同 居 鄉 黨 稱 之 現 年 七 十 七 歲

士殿祺 沙城水溝人居鄉和厚忠孝持家教二子

文運超 恩貢生就職教諭同治三年因城工董事

董洵 西關人忠厚持家和待鄉黨光緒元年恭

七十三歲 猶習勤勞

王增泰 天性和順勤儉克家訓子嚴執人信

劉文玉 字廷璽號毅臣歲貢生性孝友幼以教讀

支珠賈於外雖接持饋問實始終以不能奉養

純粹寡交遊慎言語寒窗數十年未嘗見有怨

尤之色至一切矜孤恤寡必努力為之其仁厚

楊福貴 字富春福五胞兄也為人端謹可見其弟

保安州續志 卷二 耆碩 十三

持家雖小節不忽以弟貴 馳購五品現八十三

司徒俊 鳳洲元孫字世傑號克明天女生少孝友

姪缺之者寒則衣之飢則食之有婚葬必極力

張樹猷 字建極旗民為人質直好義言貌馬寶施

文學

王餘 字慶生嘉慶辛酉科拔貢庚申 恩科

十餘年成就頗多有子八人長歲貢次三食飽

是其所好學 是其所好馬

王懋昭 字明遠已酉選拔幼從王九成學師頗器

草書尚弗留意師少之而情之所好暇則臨池

與多士教學如長鹿懷若素卒年八十一昭孝
親睦於尊師重道此步恐失燕席亦恭一堂四
代士林
嘉之

朱耀先字在蔚孝友聰穎人也學問賅博文章
命人多惜之終以歲貢友新斯邦遊其門
者半多食飯來片遇寒家子尤樂助成其子
元瀚與年登乙卯書人以爲厚德之報云

馬麟字素傳恩貢生爲人老成樸素行敦古處
七旬手不釋卷竟以恩貢
終人多惜之卒年八十四

楊福隆字題曰號一峯爲人勤儉端方慎防閑重
冠補弟子員課徒先品行後文藝遊其門者不
尙浮華道光壬辰中副車甲午登賢書數上春
官累薦不售
竟以孝廉終

趙士傑字世英歲貢生家貧以教讀自給性愛廉
浴四子書嘗謂學者曰孝弟忠信是人生
大節再能學忍恕一子吾無憾矣年老家益寒
綴衣蔬食宴如也初無嗣至六十四歲後連舉
二子人以爲敦厚
之報卒年七十四

保安州續志

卷二

文學

劉殿英字中選歲貢生少以孝友聞薄有田產耕
落英清節自甘不輕向親朋告貸好學不
倦好禮不變竟以足終其身卒年七十九

楊奎階字詠蘭介堂之次子也孝友性成父卒於
任隨生母姚氏由輪船扶柩歸里其長兄
爲延師教讀穎悟異常年通經史工詩文尤
善書求書者踵至生母姚氏病故哀毀泣血殆
無虛日遂得喘嗽之症於同治十一年
十二月病卒年僅十八歲州人惜之

趙海字文敷歲貢生早歲有聲譽序嗜術無
聞寒暑授徒之暇輒攻制舉其爲文根柢
經史淹雅絕倫試少闈屢膺薦以額滿挑取
榜錄志詭怪性骨鯁而折節讀書常若不及光
緒三年補修州志州牧延爲分修實事求是其
端方之概尤字一紳逾五旬資志以歿生平落

端方之概尤字一紳逾五旬資志以歿生平落

字以古光元利珍之
全裕容 字介厚 廩貢生 盛鼎長子也 幼穎異 就塾
廩餼每試地一第大為宗匠所器 性慷慨與人
無城府 嘗登城西南隅 笏山別墅 讀書其中 經
史子無所不博 下全素問 諸說亦爛熟 于胸尤
工制藝 無海秋 踏山而出 以嚴謹極合時趨才
氣縱橫 包舉宏富 閱者無不擊節 官斯士者咸
優異之 以接丁母 親屢阻 鄉試 屢闕 後忽染沈
痼 不數日卒 遠近士林咸
為扼腕 年僅三十二歲

醫術

孫桂芳 字漢香 府學廩生 七世儒醫也 外科尤擅
方劑 日診脈三五次 參兩再四一藥即
愈 在宣化張城時 人皆以國手稱之
孫桂馨 號一山 增生 漢香之弟 醫學與乃兄同而
運用之妙 各擅其長 傷寒雜症 於仲景有

保安州續志 卷二

醫術

十五

神契 中年遊歷 京都有友人延至山左 山右 網
手回春 大為杏林 生色 馨沒後 其徒十數人 皆
足為儒
醫雅望

楊真瑞 字輯五 歲貢生 幼習舉業 為城中知名士
後業醫 心清而業精 其用劑 能以少勝多
遇貧苦者 必多方
樽節 投藥即愈

王正與 字直齋 歲貢生 選拔懋昭三子也 師事王
慶生 學時藝 後習醫 參酌名家 運以精心
製藥 真誠廉於取 值道光二十九年 州牧楊公
因服其藥 病愈 旌以橘香 春暖 匾額 鄉里 榮之
卒年六
十四

郝全真 字性安 鴻臚寺序班 精醫學 於鍼灸尤得
真傳 咸豐七年 督學使者 索臨宣化 忽得
風痰之症 治之一鍼
即愈 其神效 類如此

賀國泰 恩貢生 三世儒醫 治痘 獨得真傳 方劑 遵
聶久吾 參以五運六氣 實有至理 功效百

不失一子文明曾生次
子文蔚附生併習醫

李枝森

字茂林旗民少學醫三折肱矣性質實心
精細遇不可為者必溫言告諭之不忍以

岐黃欺人至症涉疑難必為之詳述病源百計
調理不計利亦不求名道光二十九年州牧楊
公得危症醫家束手治之一藥即愈旋以丹度
懸壺匾額光緒六年州牧慶公遠路相驗感昌
山風病甚重亦一藥而愈旋以是乃仁術匾額
合州目覩凡求醫者其神效如此素多疾晚年
連舉二子長名玉衡精於外科次名玉璇精於
內科醫學出于家傳洵推為一州名醫前志
遺洩因補載續鐫於後非特為著其父子之精
于醫也且以彰積德必獲報之證爾

張

菁

字德昭從九幼師事貢生楊真瑞習醫
精脈理全州人甚多咸豐九年州牧李因

疾服著藥愈旋以術精和緩匾額同治八年州
牧李亦為所療愈旋以仁心仁術匾額著于五
咸世其業其季字和在張城亦有聲父子善售
其術有孫六七八人以為醫德之報現年七十二

歲

保安州續志卷三

列女

壽婦

武生趙佩妻王氏 生於乾隆二十四年年二十

十年氏年九十二恭遇 覃恩邀請旌典蒙

恩賞給緞疋又賞給貞壽人端匾額咸豐十年

氏百有二歲因 覃恩復請旌中 詳同治元年氏百有四歲以壽終

孝婦

陳張氏 係旗民張恂之妻年十八適旗民陳傑為

侍祖姑身獨任之逐日飲食不令少旨甘大小

便溺必親捧持至祖姑病久身多膿瘡氏更

晝夜撫摩涕泗交集如是者十八年氏翁年六

十餘雙日失明氏日夜奉侍無惰容翁因疾故

保安州續志

卷三

列女 壽婦 孝婦

性多暴怒氏曲意承歡凡飲食衣服輒密與

奩物預為籌備不令翁知至翁七十入歲以疾

卒而氏已白髮盈頭矣氏為兩世翁姑故持長

齋三十年咸豐年間夫因在外生理歸家得腿

疾茶飯湯藥氏親身奉侍者亦十數年族中有

孀母歲除日得絕症氏親往榻視見其無衣食

即將己所著新衣盡解衣之寒顛歸家不以為

意家人王榮老病不能行每日請醫調治氏經

理之有王復曾者亦家人子也年甫三歲孤苦

無依氏盡心撫養有如子旋七歲教之讀書十

七歲教之學藝至二十餘歲更為之娶婦成家

咸豐九年氏家小有修築有泥工羅姓者工作

之次輒潛然淚墜氏審其情則因生計艱難夫

婦子女將拆散矣氏憫之即以釵環數事給令

易米又湊得高糧二石稗子若干斗傾囊助之

其家口遂得保全今氏已老然教家以仁孝待

節婦

懈云現年七十一歲

庠生趙璞妻王氏 道光十六年奉旨旌表

儒童司其輝妻范氏 道光十六年奉旨旌表

儒童王翰妻郝氏 道光二十四年奉旨旌表

廩生范模正妻孫氏 道光二十九年奉旨旌表

儒童全量妻王氏 咸豐二年奉旨旌表

文生董縉妻張氏 咸豐二年奉旨旌表

武生王布政妻單氏 咸豐三年奉旨旌表

儒童文湘妻范氏 年二十一夫故氏奉翁姑之任所因亂畏辱投井死時氏年五

十一計守節三十一年奉旨旌表

庠生呂祥雲妻王氏 年二十九夫故氏守禮維嚴養姑克孝卒年五十九計守

保安州續志 卷三

節婦

節三十一年奉旨旌表

民人任運昌妻范氏 年十九夫故冰蘖是甘鍼指自給卒年五十七計守節三

十九年奉旨旌表

文童閻超妻唐氏 年二十夫故氏安貧守志事姑盡禮卒年七十四計守節五十

四年請旌奉旨查覆在案

民人姜選妻屈氏 年二十七夫故卒年七十八計守節五十一年請旌奉旨查

覆在案

童生王正傳妻郭氏 年十九夫故氏勵志栢舟奉祖姑維謹卒年八十歲計守

節六十一年

監生趙廷鈞妻田氏 年二十七夫故氏奉姑教子曲盡其道卒年六十九計守

節四十三

民人趙廷鍵妻呂氏

年二十七夫故氏持已端嚴奉姑孝敬現年七十四歲

民人趙廷鑽妻董氏

年二十七夫故氏守禮奉姑嗣子嗣孫均能苦心撫養現

年七十
五歲

民人趙澎妻范氏

年二十九夫故氏茹藥飲冰以鍼指撫子女成立現年五十五

歲

童生王國相妻趙氏

年二十五夫故氏奉事孀姑始終盡禮卒年四十一計守

節十
七年

庠生范汝為妻王氏

年二十九夫故氏冰蘖自甘撫幼子成立卒年六十歲計

守節三
十二年

保安州續志

卷三

節婦

三

庠生張學美妻王氏

年二十八夫故氏遵禮守節教二子俱入州庠卒年四十

二計守節
十五年

增生崔玉華妻董氏

年三十夫故孝事翁姑苦心訓子均成立現年六十二歲

文童范雅正妻楊氏

年二十八夫故氏故事翁姑撫嗣子如已出現年六十五

歲

民人王肇興妻張氏

年二十五夫故氏奉姑教子針指度日現年六十八歲

庠生李昃升妻許氏

年十九夫故氏奉姑撫子兩盡其道同治十三年七十七

歲卒守節
五十九年

民人趙進修妻范氏

年二十二夫故孝養翁姑教子成立卒年六十一計守節

四
十年

民人康有為妻黃氏 年二十二夫故苦節見貞詳載前志守節六十年現年八

十二歲

武生閃清直妻馬氏 年二十八夫故氏撫嗣子如已出現年八十二歲

捐職千總馬元駿妻閃氏 年二十七夫故氏於道光二十九年卒守節三

年

武生閃清泰妻馬氏 年二十九夫故氏遵禮守分教二子起鵬起鳳均克成名

卒年七十一計守節四十二年

民人宋起鶴妻楊氏 年二十八夫故氏苦志勵節教子有方夫姪失怙恃亦顯

咸之咸豐元年六十五歲卒守節三十八年

民人李英妻閻氏 年二十八夫故氏苦節是廿四歲庶撫幼子卒年六十八計守

節婦

保安州續志 卷三

四

節四十年

以上十九人係因纂修畿輔志採訪詳蒙督憲移咨禮部題准旌表行查在案

楊姚氏 係浙江平湖人姓育賢室女於咸豐二年適進楊福五為側室時氏年十七

歲生子一名笙年二十一夫卒於福建延平府署時氏年二十六歲嫡子星階在戶部當差氏

一面訃告一面即攜子扶柩由輪船北上以七千里之遙不避艱險竟使殯存均歸故里性謹

恪居身無華飾事嫡夫人能盡禮訓子嚴不令梁市井氣讀書稍解即能以苦心振作之同治

八年氏年三十四歲卒計守節九年 光緒二年奉部咨查題請旌表三年奉旨入祠

府學女生王國棠妻張氏 廩生張延壽次女夫病故時氏年二十九歲奉

姑守禮井白親操教其子專意讀書後遂遊庠食餼卒年二十九歲計守節十一年

旗民許仲選妻張氏 年二十一夫故氏矢志自守甘心冰炭現年五十一歲

廩生馬國定妻閃氏

武生閃映天女年三十夫故氏立志守節教子象坤遊庠

後象坤病故氏又撫孫成立現年七十四歲守節四十五年

民人郭文炳妻謝氏

年二十四夫故苦志守節卒年七十九計守節五十六年

民人王守業妻杜氏

年二十八夫故苦節自守翁姑之養氏皆以針指給之撫

育二子皆成立現年五十九歲

民人朱瑞妻崔氏

朱寶妻許氏 崔氏許氏妯娌也俱善家女並

事姑孝瑞亡崔年二十七有志節越十五年寶亦亡許年二十六志亦如嫂姑歿許止一子猶

稚也以承重故繼瑞後存宗祀也而崔志益堅崔識大體善禦變許始終敬之衣垢爭澣濯觴

豆相讓一門肅雍孫二以次孫繼寶後死者皆安人以為兩難云崔年七十二許五十七歲俱

健康

保安州續志

卷三

節婦

民人戴昇妻任氏

年二十八夫故家貧苦守針指度日次子廣瑞撫之成立計守

節五十三年現年八十歲

民人郝起吉妻陳氏

係陳朝品室女年二十四夫故氏矢志冰霜盟心不忒現

年七十九歲

民人康成德妻吳氏

係吳恒女年十七歸康二十

撫孫子克家孫國華領鄉薦皆氏力也計守節四十五年現年七十二歲

民人張存妻唐氏

年二十九夫故氏矢志守節教

民人梁鵬妻楊氏

年二十九夫故氏矢志守節卒

民人郭艾妻李氏

年二十九夫故氏矢志守節教

民人邢萬有妻張氏

年二十二夫故氏苦志守節撫育幼子成立現年五十四

旗民曹文元妻畢氏 二十五歲孀居朝夕勤女紅 不移初志卒年六十七計守

節四十 三年

民人鄭鵬翼妻孫氏 庠生孫泗女年二十一夫故 氏矢志不渝撫前子聯奎恩

義兼盡守節四十八年六十八歲終

民人李守業妻姚氏 年二十四夫故氏勵志守節 撫子成立現年六十六歲

民人莊科立妻韓氏 年二十六夫故氏秉性堅貞 誓志守節現年五十七歲

民人侯永昌妻武氏 年二十四夫故氏秉性謹嚴 翁姑俱賴以殯葬守節四十

四年六十 七歲卒

民人呂珍妻李氏 年二十九夫故氏立志守節撫 子成立於光緒二年五十四歲

卒計守節 二十六年

保安州續志 卷三 節婦 六

民人李明妻鄭氏 年二十五夫故氏守節不渝撫 子國富成立卒年六十七計守

節四十 三年

旗民曹廷印妻李氏 年二十五夫故氏立志 守節現年五十二歲

民人許庫妻安氏 係文生安泰女年二十五歲夫 故氏撫過繼孫成人計守節五

十一年現年 七十五歲

民人郝有妻劉氏 年二十六夫故氏堅志守節撫 子成人備極勤苦現年六十

七

民人陳生亮妻韓氏 年二十八夫故氏矢志苦守 撫子成立現年五十七歲

民人畢世昌妻楊氏 年二十六夫故氏貧苦矢志 教子務農卒年六十五計守

節四 十年

民人張孔文妻安氏 係民人安祿女十三歲于歸夫故時氏年二十六歲孝事

翁姑教子永昌最嚴撫孫二人成立計守節四十九年現年七十四歲

民人王廷俊妻董氏 年二十八夫故氏撫子奉姑矢志守節現年六十六歲

民人王廷杰妻劉氏 年二十九夫故氏矢志守節撫子事姑現年六十一歲

民人朱維先妻李氏 文生果昌女年三十歲夫故氏撫養幼子誠指度日諸凡

寒苦現年六十一歲

民人谷玉富妻孫氏 年二十八夫故氏矢志守節撫幼子成立現年六十四歲

民人程寶妻卓氏 年六十五計守節三十八年夫故氏矢志守節奉

增生王之翼妻李氏 係民人李美女夫卒氏年二十八歲家極貧寒矢志守節

教子成人計守節二十八年現年五十五歲

保安州續志卷三

節婦

七

增生季文熙妻陳氏 民人永善女夫故氏年二十九歲苦志守節撫二子成人

五十七歲卒計守節二十九年

民人侯玉祿妻唐氏 年二十五夫故氏矢志靡他教子成立守節五十六年現

年八十一歲

民人曹富妻姚氏 教子克家現年七十一歲年二十九夫故氏勵志冰霜

民人王德全妻溫氏 年二十六夫故氏矢志守節教子成立現年六十三歲

文童李相先妻關氏 文生王鳳儀女夫故遺一子未及一歲時氏年二十一歲

民人楊吉龍妻王氏 苦志守節撫子成立守節四十二年卒年六十三歲

四十二年卒年六十三歲

民人田士秀妻蘇氏 年三十歲夫故氏立志守節教子田自榮遊武庠守節三

十七年現年
六十六歲

民人郝鳳妻劉氏

年二十五夫故氏秉志堅貞翁姑相繼歿氏殯葬盡禮人皆稱

之一子文耀今已成立守節四十五年現年六十九歲

民人苗懷玉妻高氏

年二十六夫故氏矢志守節教二子成人現年六十九歲

民人段海倉妻陳氏

二十四夫故氏苦志守節教子普成人現年六十七歲

民人閻昇妻米氏

年二十九夫故氏矢志守節盡心教子計守節五十六年現年

八十
五歲

武生閻愷妻張氏

張嗣宗女年十九歲夫故氏秉志堅貞教子福生八津守節三

十五年現年
五十三歲

民人閻之貴妻白氏

三十歲夫故氏矢志守節無一子端成立卒年七十一歲

保安州續志

卷三

節婦

八

民人梁文耀妻張氏

年二十八夫故氏秉節不渝備嘗艱苦教子梁仁成立守

節四十二年
六十九歲卒

民人王復宗妻包氏

年二十八夫故氏苦志守節教子成人現年六十二歲

民人包濟妻楊氏

三十歲夫故氏矢志守節二子尚思尙志均克成立六十六歲卒

民人韓文學妻陳氏

年二十一夫故氏苦志自守無一子成立現年六十一歲

民人孫鳳妻劉氏

年三十歲夫故氏堅志守節無子成立守節四十七年現年七

十七
歲

民人殷萬寶妻賈氏

年二十九夫故氏立志苦守教二子俊偉皆成立守節三

十七年現年
六十五歲

民人趙福妻崔氏

年二十二夫故有子三歲撫之成立子亦故又撫孫成人守節

四十三年現
年六十四歲

文生李天祐妻王氏

州廩生國鎮次女也年甫逾
十言動不越禮義十八歲于

歸勸夫力學屬莖夏殷夫疾革以子女為言氏
泣諾之舅姑痛子不少釋氏曲體之愈盡婦職
操作罔懈氏奉祖姑孝如和撫幼子成立備
歷艱辛鄉里矜之夫卒時氏年二十九歲現今
守節已
十九載

民人侯大謀妻張氏

年二十八夫故氏奉姑克孝
勤儉持家勵志冰霜撫孤成

立計守節三十四
年現年六十二歲

旗民張炳星妻李氏

年二十二夫故氏矢志守節
仰事翁姑俯育繼子皆盡其

道現今守志
已一十六載

民人楊錦妻侯氏

民人侯泰之女年二十五夫故
氏矢志相舟教子成立現年五

保安州續志

卷三

節婦 耆碩

九

十七歲計守

節三十二年

民人張存玉妻王氏

係王殿選之女年二十五夫
故氏矢志相舟事翁孝誓

姑教子成立計守節三十
一年現年五十六尚康健

保安州續志卷四

藝文

記

重建尊經閣碑記

孫桂枝

三代無經之名自漢儒傳經而經之名以著經者常也古今之所共守經者遲也天下之所共由易也書也詩也禮也春秋也皆古人觀天地之文萃宇宙之精以類夫人情物理之變而本之心性情以出之者也其言博而奧其旨約而精其作者往往皆聖賢之徒得諸心而見諸事故言之親切而有味然則人同

保安州續志

卷四

藝文 記

一

此心心同此理古人之心性情有是經今人之心性情亦莫不有是經古人既示人以所共守所共由之經後之人心猶是心也性猶是性也情猶是情也亦當靜會乎古人作經之旨以闡明乎古人所以傳經之意則所謂博而奧者可悟也則所謂約而精者可明也則所謂得諸心而見諸事言之親切而有味者可一一傳述也然而經學之不盡明於後世者何哉矯揉穿鑿以拘牽平文義者是謂賊經尋章摘句以記誦爲浮術者是謂荒經誇多鬥靡以詞章作遊戲者是謂蔑經追幽索隱以臆說逞辨博者是謂拂經

凡此數者皆未知經之所以當尊而以狎侮之也
狎侮其心與性情也然則經之當尊果何以尊之哉
亦還而求之心性情焉耳吾之進退存亡卽易之盈
虛消長也吾之措施履布卽書之紀綱法度也吾之
好惡是非卽詩之貞淫美刺也吾之規矩準繩卽禮
之制度品節也吾之可否予奪卽春秋之褒貶筆削
也以吾心性情之經默而契乎古人之經而卽以古
人之經恢擴乎吾心吾性吾情之經吾不敢自棄其
心自滅其性自害其情則尊吾之心性情又安敢不
尊經也哉我州之

聖廟建於城之巽位規模宏壯氣象森嚴惟尊經閣舊制
湫隘不足壯一巨觀而且久經風雨漸就傾頽急宜
修建而有志未逮也先是因齋厨未潔祭器樂器之
設無所藏貯辦祭之齋房又皆坍塌衆議興工刻期
舉事於廟之東偏重建貯庫三楹齋房三楹南房三
楹東牌房一座已於道光二十六年秋季落成矣醴
金襄事集腋成裘告竣後仍餘錢數百緡思所用之
維時學止萬公司鐸因議及尊經閣一事邀集同志
肝饜舉事卽於咸豐元年春循舊制而更張之務極
崇宏固其基址厚其垣墉其歸乎而崢嶸者閣之高

敞也其煥乎而金碧者閣之莊嚴也西挹黃陽之爽
東擷居庸之翠南縮桑乾之帶北拱孝文之襟連絡
有勢顧盼有情則斯閣之建其有神於文風者豈淺
鮮哉都人士仰而瞻之循尊經之名繹尊經之義返
求之於心性情之間知古人之易書詩禮春秋者皆
吾人之註腳也由是而不敢賊經不敢荒經不敢蔑
經與拂經以潛心於古人之經將見窮經有人通經
有人談經與傳經有人經學明斯理學興取青紫如
拾芥擢科第如探囊建閣之後文運有不光昌者哉
是爲序

序

清涼寺萬松亭序

朱 啟

原夫菊鍾甘谷蘭茂幽崖碧桐挺秀於龍門朱桂揚
芳於鷲嶺泰宗之古柏一望葳蕤惟北之長楸四維
掩映珊瑚樹枝枝是玉旃檀木節節皆香蓋靈根不
託於巖塵而嘉植每繁於淨土緬清涼之古剎境妙
天成維蒙密之青松秀由山毓羣峰迴抱在在撐陰
衆木分排行行飛頑霜皮雪幹交措於危岩陡徑之
間勁節修柯參差於畫棟丹楹之外擬諸晉苑何啻
君子之二傲以秦封不羨大夫之五疎枝挂影雲出

岫而徘徊空谷傳聲風度林而摩盪約之曰萬第統
計其芊態迢遞之形嵌之以亭可靜賞夫天矯支離
之概誰期個裏孕此壺天不料環中迨茲福地所以
騷人逸士歲歲頻來鳩杖芒屨時時踵至以彼低者
昂者斜者偃者丰標落落似近遊侶於山巔若乃翹
然蔚然森然肅然古貌亭亭恍遇仙踪於塵表含星
漏月看他八面玲瓏蔽日干霄萃此一林礪柯或爲
龜伏或爲鶴棲既皆拱嚮梵宮幻菩提之色像或如
龍鱗或如麈尾亦且同登彼岸成般若之金湯不因
時序榮枯寧許凡材錯雜從來談佛界曾傳紫竹千
十八公得毋笑余乎

說

保安州續志

卷四

序說

四

竿卽此認仙源何必紅桃萬樹僕慚同榜樸喜託榆
枌不避言之無支聊抒意之所見二三友或能諒我
州之南有桑乾河河之北有上中下惠民三渠通流
入洳灌漑民田上渠曰北惠民渠亦曰平坡渠自孤
山村至隆伏寺計二十五里中渠曰中惠民渠自頭
堡至周官堡計十五里下渠曰南惠民渠自丁官堡

惠民渠輪流說

知州 楊雲龍

至高廟村計十五里從西迤東有公務渠自汪源屯

至新興堡計十五里其水皆取之桑乾河河水充足時各渠順流分溉無事紛爭若值天旱上渠人築隄阻流中下公渠皆不得溉每致衆訟經前州諭示分三晝夜輪溉其法甚良渠民非不遵循而仍多爭控揆厥原由輪日多則曠日人不予變通訟端終無以弭因傳各渠頭到堂明白曉諭并張貼告示每渠以兩晝夜爲率水自上而下下渠自必先涸輪流灌溉必自下而上方爲公允其輪下渠時以十分之二溉公務渠上中渠將渠口堵住不得私行開放輪中渠時堵住下渠其上渠口仍不得開輪上渠時則水不

保安州續志

卷四

說五古

五

下流各渠民均相洽服仍派妥役巡防俾無爭執或有不遵以及派役通同作弊立予究懲惟遇甚旱時又不可執滯誠以各渠里數均長水流不足溉卽不周不得不稍爲就待是在因時審勢斟酌得宜且當將涸之際先期僉派妥役宣諭彈壓以杜其爭庶渠民鮮所控訟矣

詩

五言古

遊清涼山寺

有序

知州

尋鑿晉

寺在州城西北黃陽山之西距城二十五里自下

視之高不可以尋丈計及至寺則環望四山寺依然居釜底山中松樹甚多他山皆無之故土人亦名萬松寺云余於光緒丙子六月十五日往遊經兩宿返時同遊者爲某某

此邦名勝區清涼頗稱最我來半年餘欲往志未遂每望西山雲魂夢勞繫我友四五人乘興思連騎時當六月中炎蒸如湯沸出城十餘里人影入山翠漸覺谷風涼亂踏溪石碎峰插萬仞高徑轉千盤細直上萬松巔忽然見山寺殿閣鬱參差佛像亦瑰麗山僧七十餘樸野疎酬對茲寺建何年問之了不識

保安州續志

卷四

五古

七律

六

摩挲古斷碑僕贖開元字晚涼步出門探勝窮幽邃西天咫尺間仄徑迷荒穢或賈勇先尋或知難而退嗟我腰腳疲半途竟坐廢斯時日欲晡山風來無際松濤謾謾鳴欲與風爭勢風聲與濤聲不辨但一氣清寒侵肌骨濕翠浸衿袂遂令炎夏時變作深秋味歸來衆山暝山門已半閉明月挂東峰曉霜鋪庭砌佛燈耿無光童僕倦已睡骨冷神魂清竟夕無夢寐
七言律

遊清涼山寺題壁

尋巒晉

古寺何年闢翠微四山環繞帶斜暉野桃花綻紅含

兩殿檜陰濃翠染衣蒲薦竹牀容小住髮絲禪榻欲
忘歸偶然坐上留鴻爪來歲天涯何處飛

五言絕

山行雜咏

尋壑音

彌望草離離和烟翠滿陂牧童工點綴驅犢夕陽時

其二

水與石爭路山披雲作衣斷虹殘雨過斜日牧童歸

七言絕

山行雜咏

尋壑音

城南簇簇擁螺鬟一路烟霞漸入山回首紅塵十萬

保安州續志

卷四

五絕 七絕

七

丈始知身在白雲間

其二

坡坳逶迤石縱橫筆作梯田歲歲成昨夜傾盆山雨

足四山黃犢趁新耕

其三

山中婦女髮髻鬢挑菜歸來伴雨二探得鮮花不插

髮和烟和露滿筠籃

其四

山行日日晴和雨剛道晴時雨又來捲地狂風吹未

斷四山雲擁一聲雷

其五

山花山草不知名，山水潺湲送客行。行到無人山靜處，鳥啼時送兩三聲。

其六

陰陰山水盡枌榆，山鳥無名各自呼。恰值相如正消渴，何妨權認作提壺。

其七

山泉噴灑晴疑雨，石峽陰森夏亦秋。自是清涼真世界，人厭塵海怕回頭。

其八

保安州續志

卷四

七絕

八

峰回溪轉疑無路，傍水依山又有村。門巷蕭條雞犬靜，牧童歸處日黃昏。

其九

孤峰峭壁絕躋攀，聳翠拔青霄。溪間迴首薊門烟樹裏，舊遊鬢影入盤山。

其十

神奇靈境自天開，僻處邊關久鬱埋。我爲山靈呼負負，何時得遇柳州來。

其十一

仰登山坂俯沿溪，馬首東行又向西。跬步之間判高

下世情何處不雲泥

共十二

風光過眼已模糊自愧詩神佳句無剩有烟霞攜滿
袖歸來擬繪看山圖

保安郭外初見水田

知州韓印

水陸一帶泛微藍漸有秧鍼小似鑿惆悵故園荆棘
滿可能塞北當江南

桑乾義渡歌

知州張毓生

西來泱泱桑乾水導源馬邑經行此行到此那苦建
瓴疏渠溉畝膏無比東南燕尾相溲河高下龍鱗俱

保安州續志

卷四

七絕歌

肥美千山萬山青作郭山城斗大衆山長長河飛練
裂山開箭離強弩輕於駛濤鳴浪吼長秋交虛堂謾
謾風盈耳我聞前牧屢修防歌罷大隄歌瓠子又聞
冰泮剪輕舸公竟渡河嗟壯壯神若頓有韓潮州濟
人不效鄭漆酒廉捐鶴俸貸商民利涉烏飛勞刺史
從來慮事苦難周主星雖朗奴星請招招舟子呼不
前腹枵誰復甘願指遂令行客解囊行一葦通津成
利市去年捧檄我來游下車仍復循芳軌素履重增
質權錢餘歸購遊道行李更須稍食飯舟師平沙橫
緡牽船艤呀羨義舉此觀成成事因人慙踵起憶我

家居古汴都黃河一折湯千里此都依樣枕河流河
伯有靈民有多愧我短綆汲淵泉不堪舟楫徒拊髀
區區一節何足論爭及慈船普渡無涯涘小惠轉汗
顏長歌殊冷齒聊將初草付鈔看爲備公文書一紙
前志有保安八景向無賦之者公暇拈此聊備一格
乾嶺登雲

大園倚蓋高西北下有奇峰奠此方觸石無心圓影
覆巖頭紫火織變清涼

庚岑珊架

三峰如削擁螺髻岫列庚庚拈竈間判牘不勞閒擱

保安州續志

卷四

歌七絕

筆放衙無事且看山

昌于遠澱

迅雷昨夜起潛蛟飛渡桑乾駭浪滄征馬停蹶沙鳥

散蕭蕭風雨捲晴郊

修水平沙

迢迢一水古於延匯合洪流作巨川十五里中將綠

透湯銀鋪雪浩無邊

刺幽積冰

秦轍不到此危岡陰嶺常留古雪霜莫道冰山難過

恃世間誰似石心腸

寶峯攢誌

折得名花歷巖巒寶山遊歷甚空還天心畢竟無偏
向春色何曾不渡關

萬松涼影

龍鱗馬鬣白雲隈
萬松涼影長生翠
作堆十里清陰遮不
斷太陽收拾月重來

二渠春聲

襟帶長河萬頃田
決渠降雨積涓涓
迢迢行陣隨官如
鶴半為催耕半聽泉

入青龍口赴新州書院道上偶成
山長 程燮奎 詞北 李成

保安州續志 卷四

七絕 五律 七律 十一

行盡迴巒放眼新
桑乾襟帶森無垠
風團水氣沁沙隄
立山疊嶂紋石巖
春遠使殷勤
延上客
桃源彷彿此
中人驅車迤歷青龍口
採取驪珠貢 紫宸

笏山別墅讀書雜詠

全裕容

我有讀書室西南城
一隅潭之志在閑
閒便欲傲蓬壺
紫石助人秀
觀白水醫學
與書上元馬
足效聊繪笏山圖
其二

邊關遲氣候寒薄
少言芬代竹
葦下束時花
春一分

池添澆圃雨亭
翠嶺假山雲
且縱窺園日
候快豈銀動

